

# Boahkuheapmi pneumokohkkadávdda vuostá

Pneumokohkka lea bakteriija mii sáhttá dagahit geahpesboaldáhaga, bealljevuolšši dahje muhtoguovdnjevuolšši, muhto maiddái duodalaš dávddaid nugo varramirkkohusa dahje vuoiŋŋašcuozzavuolšši main lea alla jámolašvuolta.



## Boahkuheapmi ávžžuhuvvo olbmuide geat/geain:

- leat 65 jagi dahje boarrásat
- lea immuvdnahedjonahtti dávda
- geavahit dálkasiid mat hedjonahttet immuvdnavuogádaga
- leat dávddat dahje eará dilitt mat lassánahttet riskka

## Manne galgga boahkuhuvvot?

Eatnašat geaidda pneumokohkat njommot, eai buohccá, muhto muhtimat buohccájit duodalaččat. Sii geat ožžot duodalaš pneumokohkkadávdda, čálihuvojit buohccivissui, ja jámolašvuolta lea allat.

Buoremus maid sáhtát dahkat suddjet iežat, lea váldit pneumokohkkaboahkuheami.

Pneumokohkkabakteriija lea njunis ja čoddagis, erenoamážit dearvvaš mánáin. Njoammuduvvo gossama, gastima ja sullasačča bokte.

Gávdnojit mánŋa iešgudetlágan pneumokohkkaboahkuheami. Buot boahkuheamit suddjejit bures. Du fástadoavttir diehtá mat leat buoremusat dutnje.

## Man dávjá berren boahkuhuvvot?

Boahkuhemiin lea buorre beaktilvuolta. Lassiboahkuheami dárbu rievddada dan mielde makkár boahkuheami leat ožžon. Lea leamaš dábálaš odasmahttit boahkuheami juohke gudát jagi, muhto dál fállujuvvo boahkuheapmi man ii dárbbáš nuppes váldit. Jeara iežat doaktáris jus leat eahpesihkar dárbbášat go boahkuheami.

## Sáhtán go váldit eará boahkuhemiid oktanaga pneumokohkkaboahkuhemiin?

Pneumokohkka-, korona- ja influeansaboahkuhemiid

sáhttá váldit oktanaga, muhto pneumokohkkaboahkuheami ii galgga váldit jahkásaččat.

## Leatgo boahkuhemiin liigeváikkhusat?

Leat hárve allergijalaš reakšuvnnat dahje eará duodalaš liigeváikkhusat.

## Gos sáhtán váldit pneumokohkkaboahkuheami?

Jeara iežat doaktáris dahje iskka gieldda neahttasiiduin gos don sáhtát boahkuhuvvot.

Erenoamáš riskajoavkkut sáhttet oazžut boahkuheami nuvtá alit reseapptas, muhto eatnašat fertejit máksit. Dan jagi go deavddát 65 jagi, oaččut boahkuheami vuoliduvvon haddái rávisolbmuid boahkuhanprográmma bokte. Jus dutnje sáhttet njoammut dávddat barggu geažil, de galgá bargoadi máksit goluid.



Loga eanet čujuhusas  
[fhi.no/voksenvaksinasjon](https://fhi.no/voksenvaksinasjon)